

## LA QUOTIDIANA

Editura: Samedia Press AG  
 Editeur: Hanspeter Lebrument  
 CEO: Thomas Kundert

## Editura Samedia

Via Sommerau 32, 7007 Cuira;  
 tel. 081 255 50 50,  
 mail: verlag@samedia.ch

## Redacziun responsabla:

Fundaziun Medias Rumantschas (FMR):

Schefredactor FMR: David Truttmann (dat)

Substituts schefredactor FMR:

Hans Huonder (hh), Sandro Buchli (sb)

## Redacziun FMR:

Augustin Beeli (abc), Andreas Cadonau (ac),  
 Daniela Derungs (dd), Flurin Andry (fa, correctorat),  
 Gabriela Desax (gd, correctorat),  
 Madlaina Capeder (mc, correctorat),  
 Annatina Filli (afi), Nadja Lucchinetti (nl),  
 Susi Rothmund (sr), Andri Netzer (an),  
 Sandra Balzer (sab), Martin Gabriel (mg),  
 Tanja Jäger (tj), Lisa Peers Dermont (lpd),  
 Martin Camichel (cam).

## Adressas redacziunals:

FMR Fundaziun Medias Rumantschas,  
 Via da Masans 2, 7000 Cuira, 081 544 89 10

mail: redacziun@fmr.ch

secretariat: 081 544 89 11

www.fmr.ch

## Servetsch d'abunents e da distribuziun:

Via Sommerau 32, 7007 Cuira,

tel. 0844 226 226,

mail: abo@samedia.ch

## Inserats:

## Samedia Promotion,

Städtlistrasse 12, 7130 Glion

tel. 081 920 07 17, fax 081 920 07 18,

mail: ilanz.inserate@samedia.ch

La Quotidiana cumpara tschintg giadas ad emna

## Ediziun derasada, Südostschweiz complet:

66 466 exemplars (WEMF, 2021)

Derasaziun: 115 803 lecturas e lecturs  
 (MACH-Basic 2021-1)

La Samedia Press AG è possessura dals titels

«Fögl Ladin», «Gasetta Romontscha», «Casa

Paterna/La Pünt» e «La Vusch da Surmeir».

## Pretchs d'abunaments sut:

www.suedostschweiz.ch/aboservice

Communicaziun da participaziun considerabla  
 sin fundament da art. 322 CP:

nagin

© Samedia



## Ils «zulprins»

Ils «zulprins», uschia sa numna la rubrica per auturas ed auturs giuvens, ina rubrica che cumpara in collavuraziun da la GiuRu Giuventetgna Rumantscha cun la FMR Fundaziun Medias Rumantschas. La finamira cuminaivla da GiuRu ed FMR è da dar spazi e vusch ad auturas ed auturs giuvens. Ils «zulprins» duain damai far qua u là sbrinzlas!

Dapli infurmaziun davart la GiuRu sin [www.giuru.ch](http://www.giuru.ch) ubain via mail a [giuru@giuru.ch](mailto:giuru@giuru.ch).

Victoria Mosca

## L'uors

Il prim di da chatscha s'avicina. Id es la fin d'avuost ed ils paurs sejan l'adgö. Jon Batista e Tumasch nun han plü nöglia oter illa creppa co la chatscha. Ils schluppets trats aint e pulits, pronts per dar il prim tun.

Il di es qua. Id es amo s-chürischem, ma Jon Batista e Tumasch sun in viadi sü vers las muntognas. Planin e quietin chaminan els tras il god da bechs. Tuot in üna jada dodan els rumurs estras. Sgüra es cha quellas nu vegnan d'ün tshiervi o ün'otra bes-cha da nos god. Quist sto esser üna bes-cha rapaza estra. Jon Batista tshüffla la tremblaröla e sta aint in ün frus-cher e nu fa plü bau. Invezza Tumasch gnanca nun ha temma dal diavel e chamina inavant pel god sü. Cur chi vain cler, less Tumasch scuttar a Jon Batista ingio chi giajan. Sün quai ingüna resposta. Sün quai dodal ün sfrach enorm chi rebomba our pel god. Cuort davo güsta amo ün! Ed amo ün! «Che pel diavel cumbina Jon Batista giò quia. El nu lascharà ir trais tuns sün ün chav-

## Istorgias sur da l'uors

Scolars e scolaras da la 4a classa da l'Academia Engiadina a Samedan s'hauñ laschos inspirer da veglias istorias dad uors.

La sted passada d'eira l'uors darcho in gir in Engiadina e la Val Müstair. Perque vaina let insembel istorgias veglias sur dad inscuters cun l'uors. Cura d'eiran que inscuters chi haun gieu üna buna fin, cura haune eir gieu üna noscha fin (pelpü per l'uors). In mincha cas haun las adventuras cun l'uors inspiro nosa egra fantasia. Ils scolars e las scolaras haun scrit poesias, istorgias e texts infurmativ davart l'uors. Sperainsa però cha'l uors da las istorgias restan traunter las lingias da custabs e cha nus nu'ls vains dad inscutrer illa realted. Bun divertimaint culla lectüra da l'uors!

## A chatscha cun Braida

I cumainza a Scuol cun üna giuvna chatschadra ün pa distratta. Ella ha tar-schoulas blondas, ha 21 ons, fuma jent la püpa ed es cuntschinta sco «früt».

I d'eira ün bel venderdi cur ch'ella s'ha preparada per ir aint da S-charl la bunura bod. Rivada pro üna pitschna costa, fa'la sco prüm marena e s'impizza üna püpa. Tuot in üna jada dod'la gronds pass davo sai aint il god. Ella decida da chaminar incunter. Chi sa, forsa d'eira quai üna vacha da tshiervi. Luot luotin va'la in buttatschas dasper ün grond frus-cher, il vent tilla tira in fatscha. «Perfet», manaja Braida, «cundiziums optimalas per trar sulvaschina gronda.» Cur ch'ella ha tut oura seis spejel da champogna ha'la trat ün sigl cur ch'ella ha dudi darcheu quist pass davo sia rain. Ella s'ha vouta plan planet ed es ida bod a rudellas giò per la costa cur ch'ella ha badà cha davol frus-cher staiva ün uors. Cur ch'ella s'ha quietada tant inavant per ir per sia buscha ha l'uors dandet drivi la bocca ed ha cumanzà a discorrer: «Ueila, che savura

quia uschè bain da tabac? Es quai üna püpa? Poss eir eu üna tratta?» Braida staiva là, stutta sco'l giat da Flurin. Davo ün mumaint ha'la tgnü sü il schluppet e mirà vers l'uors, «tira'na balla, usch'na tir'eu.» Sün quai ha manajà l'uors tuot calm: «Uei, che charin, il früt da Scuol m'imnatscha da'm schluppèttar cun üna flinta da ballinas.» Davo üna pezza ha Braida sbassà il schluppet e cumanzà a rier, «plü probabel n'haja darcheu fümà massa bier fingià a bunura bod. Mobain, schi piglia üna tratta e quinta d'ingionder cha tü sast meis nom.» Uossa cumainza l'uors a rier e tilla dà ün paiver sülla spadla dschond: «Eu nu cugnuosch ingün'otra chatschadra chi tuna uschè jent sün bos-cha sco tü.»

Uuschè ha cumanzà ün'amicizcha da quia fin etern.

Lucrezia Gaudenz e Selina Oswald

## L'uors da la Val Müstair

Avant 50 ans d'eira üna vouta ün uors illa Val Müstair. Üna sgrischur traunter ils abitants faiva la runda. Mincha di sparivan passa 50 bes-chas intuorn ils gods müravglus da la Val Müstair. Tuots crajaivan cha l'uors saja turno, ma curiusa maing nu gnivan chattedas üngünas bes-chas s-chedas. Ün di es eir svanieu ün bès-chin da Jonin.

Jonin ho piglio insembel tuot sieu curaschi e s'ho miss in viedi i'l god. Üna legenda quinta, «chi chi aint i'l god müravglus nu sorta pü». Jonin aintra tuot-tüna cun üna linterna in maun. Apaina entro i'l god nu do que pü üngün inavous e que gnaregia Jonin bainbod a badair.

In ün dandet es tuot cler! Üna sajetta enorma! Jonin vezza üna sumbriva chi passa cun üna sveltezza infernela. Zieva quista clerited segua la s-chürdüm. Eir la linterna da Jonin ho do sü il spiert. Jonin clappa battacour e vuol fugar uschè sveltu sco pussibel our dal god. Ma in che direcziun? El oda il sgrizchöz dals bös-chs e que al pera scu scha tuot ils bös-chs pruvsan

dal circunder. El oda il tshüvlöz dal vent, chi tuna scu'l plaundschoz dad ormas persas. Jonin cuorra inavous, ma il god nun ho pü üngüna fin. El sto salda per trer fied ed oda pass greivs davous se. Ün uors? Jonin cuorra subit inavout, ma ils pass vegnan adüna pü dadots, fin ch'el oda dafatta il fied greiv d'üna granda bes-cha sper el. Dad ün mumaint a l'oter sun svanieus ils pass e'l fied greiv! Jonin nu vuless perder üngün temp e cuorra inavout ed inavaunt! Ma dandetta maing oda el ils pass directamaing davaunt se! Our da temma fo'l duos pass inavous e crouda sur qual-chosa lam. Da spüra dulur as volva'l süil vainter ed el bada cu cha las larmas culan giò da las massellas. Per ün mumaint vain tuot darcho cler, üna prosma sajetta. Jonin vezza suot se la bela da sieu bès-chin amo. Schocco da quist, as stordscha el süllas arains e vezza ün uors chi s'ho sbasso sün el! «Che uossa?», as dumanda Jonin. Que d'eira sieu ultim impissamaint.

Pascal Worni, Sina Moser e Kai Preisig

## UNIHO C

## Ina dumengia plein tensiun

La dumengia han las giuvnas dil Desertina Bulls stuiu levar baul per ir a Winterthur a dar la 4. runda da campiunadi. Heiden ei stau igl emprem adversari.

## Desertina Bulls – Heiden 2:1

Cun in bi pass ha Aline Cajacob surviu Gada Cathomas che ha sittau baul igl emprem gol per las Sursilvanas. Cun bias cumbinaziuns han ils Bulls empruu da tener ault la pressiuñ sil gol dallas adversarias. Las giuvnas da Heiden vegnevan denton adina puspei tier bunas caschuns entras spertas cunterattaccas. Prompt vegnan ellas lu era d'egalisar avon pausa. La secunda mesadad ha l'equipa romontscha alzau il tempo ed il squetsch ed aschia sfruzau Heiden da far sbagls. Entrás quei han ils Bulls era giu ina ni l'otra ruosna ella defensiuñ aschia che Heiden vegnevan fetg malsegiras cun cunterattaccas. Quellas ha il goli dallas Sursilvanas. Livia Cadruvi denton parau senza problems. Ella 31 avla minuta sietta Selina Giger in bi siet egl anghel e segirescha aschia ils emprems dus puncts dalla dumengia pils Desertina Bulls.

## Desertina Bulls – Red Ants Winterthur 2:2

Il secund giug han las Sursilvanas giugau encunter l'equipa da Winterthur che havevan numerus aspecturs el dies.

Bein spert han ils Bulls dominau il giug. Ella tiarza minuta sietta Jana Caduff sin pass da Gada Cathomas igl emprem gol pils Desertina Bulls. Mo 30 secundas pli tard schocheschan las adversarias ils Bulls e vegnan d'egalisar. Ella 6 avla minuta sietta Jana Caduff giu secund gol sin pass d'Alexandra Flepp e meina sia equipa puspei en avantatg. Igl ei in curios giug. Ei va puspei mo 40 secundas e prompt vegn Winterthur d'egalisar suenter in sbagl ella defensiuñ dallas Sursilvanas. Cun quels dus gols ed ils aspecturs el dies vegnan las adversarias en in regl. Ellas domineschan tochen pausa las Sursilvanas e vegnan tier bunas caschuns d'ir en avantag. La defensiuñ dil Desertina Bulls ei denton puspei cheu culs patrats e tegn encunter nua ch'ei va.

Suenter pausa ein las Sursilvanas pli curschusas e vegnan puspei tier bunas caschuns d'ir en avantag. Il goli da Winterthur tegn denton si'equipa el giug cun miraculusas paradas. Ils arbiters ein fetg stregens ed aschia survegnan ils Bulls suenter pliras admoniziuns in castitg da duas minutas. Il boxplay dalla giuvna equipa seglia en mintga siet dallas adversarias e vegn da segirar aschia il 2:2. Sco sche quei fuss buc stau avunda survegn Winterthur aunc in penali duas minutas avon la fin. La caschun per l'equipa da casa da serrar il sac. Igl ei

in'atmosfera magica en halla. Il goli Mi-la Demont ha denton negin interess da scha gudignar las adversarias. Ella tegn sensaziunal il penalti. Tuttas giuvnas dil Bulls seglian sil plaz ed engrazian ad ella ch'ella ha tenu il penalti. Quei ha aunc inaga dau in'enorma energia allas Sursilvanas. Ellas setegnan ensemen ed improvan da sittar ord mintga posiziun sin gol. Ei va aunc 30 secundas e las Sursilvanas survegnan in culp liber. Gada Cathomas gartegia denton mo la petga. Ils Bulls fan vinavon tut il pusseivel. La bratscha ei gia ell'aria, tuttás selegran, il goli da Winterthur ha denton aunc denteren sia detta e meina la balla mo millimeters sur la traversa dil gol. La sirena tgula ed in curios giug va alla fin. Aschia tuornan las Sursilvanas a casa cun treis puncts e fan in segl naven da plaz siat sin plaz tschun ella tabella.

Desertina Bulls cun: Silvan Giger, Jana Caduff, Gada Cathomas, Anna Selina Quinter, Jessica Spescha, Avia Mazzetta, Tamara Derungs, Ilu Demont, Noemi Zanin, Flavia Deplazes, Aline Cajacob, Corina Venzin, Ramona Venzin, Annalea Candinas, Estella Mazzetta, Selina Giger, Mila Demont, Livia Cadruvi, Alexandra Flepp, Aurelia Giger, Anica Seiler, Chanel Monn, Noah Giger.

Per ils Desertina Bulls  
 Silvan Giger




FOTO DANIELA DERUNGS